



Demokratska fronta  
Poslanik, Samer Rešidat  
BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BiH  
PREDSTAVNIČKI DOM  
n/r predsjedavajućeg Predstavničkog doma Parlamenta FBiH  
Četvrtak, 11.06.2020

Primljeno: 12-06-2020			
Org. jed.	Br o j	Priloga	Vrijednost
01-	02 -	113	20

U skladu sa članom 191. Poslovnika Predstavničkog doma („Službene novine Federacije BiH”, br. 69/07 i 2/08) i članom 186. Poslovnika o radu Doma naroda Parlamenta Federacije BiH („Službene novine Federacije BiH”, br. 27/03 i 21/09), koji predviđaju da se zakon može donijeti po hitnom postupku samo ako se tim zakonom uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo izazvati štetne posljedice za Federaciju BiH. Uzimajući u obzir mogućnost koju Poslovnik Predstavničkog doma Parlamenta FBiH pruža, predlažem da se Zakon o izmjenama i dopunama Zakona o turističkoj djelatnosti ("Službene novine Federacije BiH", br. 32/09) donese po hitnom postupku.

**PRIJEDLOG: Za donošenje Zakona o izmjenama i dopunama zakona o turističkoj djelatnosti po hitnom postupku**

**Obrazloženje:**

Vlada Federacije Bosne i Hercegovine je donijela Odluku o proglašenju stanja nesreće uzrokovano pojavom koronavirusa (COVID-19) na području Federacije Bosne i Hercegovine („Službene novine Federacije BiH”, broj: 21/20) i proglasila stanje nesreće. Ova izmjena i dopuna zakona je predložena kako bi se olakšao rad putničkih agencija i omogućilo da putnička agencija može odrediti da se za vršenje poslova vođenja poslovnice odredi osoba koja nema položen stručni ispit za vođenja poslovnice i dvije godine radnog staža na odgovarajućim poslovima u putničkoj agenciji ili drugim odgovarajućim poslovima u turizmu, a najduže šest mjeseci nakon prestanka posebnih okolnosti.

Nadalje, riješilo bi se pitanje vezano uz raskid ugovora za neizvršene ugovore o putovanju u paket aranžmanima koji su se trebali izvršiti nakon 01. marta 2020. Godine, na način da putnik ima pravo na raskid ugovora o putovanju u paket aranžmanu, avio ili autobuskim kartama kao i hotelskom smjestaju za ciju vrijednost uplacenog iznosta

organizatori aranžmana za iste putnicima izdaju vaučer koji će moći koristiti za putovanje iz ponude agencije. Ukoliko se putnik odluči za povrat uplaćenih sredstava, organizator aranžmana je dužan izvršiti povrat uplaćenih sredstava u roku od 14 dana po isteku 365 dana od dana prestanka posebnih okolnosti.

Za organizovane, a nerealizovane školske ekskurzije ovim izmjenama i dopunama zakona se rješava pitanje povrata uplaćenih sredstava za školske ekskurzije gdje je organizator aranžmana dužan izvršiti povrat uplaćenih sredstava u roku od 30 dana od dana prestanka posebnih okolnosti, za sve uplaćene školske ekskurzije završnih razreda koji svoju ekskurziju ne mogu realizovati u ovoj godini zbog završetka školovanja. Za sve ostale ekskurzije čiji učenici nastavljaju daljnje školovanje i imaju mogućnost realizovati ekskurziju u odloženom terminu primjenjuje se izdavanje vauchera iz člana 25a.

U dijelu kaznenih odredbi predviđene su prekršajne kazne ako se postupi suprotno odredbama člana 25a. i člana 25b. ovog Zakona.

Na osnovu člana III.2 tačka g) Ustava Federacije Bosne i Hercegovine, a usljed novonastalih okolnosti prozrokovanih bolešću COVID-19, Parlament Federacije BiH donosi:

**BOSNA I HERCEGOVINA  
FEDERACIJA BOSNE I HERCEGOVINE  
V L A D A**

**PRIJEDLOG**

**ZAKON**

**O IZMJENAMA I DOPUNAMA ZAKONA O TURISTIČKOJ DJELATNOSTI**

**Sarajevo, Juni 2020. Godine**

## ZAKON O IZMJENAMA I DOPUNAMA ZAKONA O TURISTIČKOJ DJELATNOSTI

### Član 1.

U Zakonu o turističkoj djelatnosti ("Službene novine Federacije BiH", br. 32/09) u članu 2., stavu (1) iza tačke 5. dodaje se nova tačka 6. koja glasi:

„Posebne okolnosti podrazumijevaju događaj ili određeno stanje koje se nije moglo predvidjeti i na koje se nije moglo uticati, a koje ugrožava život i zdravlje građana, imovinu veće vrijednosti, narušava privrednu aktivnost ili uzrokuje privrednu štetu“.

### Član 2.

Iza člana 21. dodaje se član 21.a koji glasi:

“U uslovima posebnih okolnosti putnička agencija može odrediti osobu da vrši poslove voditelja poslovnice uz ispunjenje uslova iz člana 21. stav (2) tačke 1.2.3. i 5.

Osoba određena da vrši poslove voditelja poslovnice u skladu sa stavom (1) ovog člana može obavljati poslove voditelja poslovnice najduže šest mjeseci od dana prestanka posebnih okolnosti”.

### Član 3.

Iza člana 25. dodaju se čl. 25.a i 25.b koji glase:

#### Član 25.a

“Pravo na izmjenu ugovora i izdavanje vaučera u uslovima posebnih okolnosti uzrokovanih epidemijom bolesti COVID-19

(1) Za neizvršeni ugovor o putovanju u paket-aranžmanu koji se trebao izvršiti nakon 01.Marta 2020., putnik ima pravo na izmjenu ugovora po prestanku stanja nesreće, a organizator aranžmana za isti putniku izdaje vaučer u istoj vrijednosti koja je uplaćena do dana proglašenja stanja nesreće.

(2) Vaučer izdan za izmjenjeni a neizvršeni ugovor o pružanju usluge je pokriven ugovorenim polisom osiguranja za slučaj nesolventnosti ili stečaja organizatora aranžmana i na njemu moraju biti navedeni podaci o polisu osiguranja.

(3) Izdani vaučer putnik može iskoristiti najkasnije do 31.12.2021.

(4) Ako se putnik odluči za povrat uplaćenih sredstava, organizator aranžmana je dužan izvršiti povrat uplaćenih sredstava u roku od 14 dana po isteku 365 dana od dana prestanka posebnih okolnosti.

(5) Arazmani koji su uplaceni sa klauzulom «non refundable / bez refundacije» mogu se realizovati samo uz vaucher koji omogućava promjenu datuma i za njih ne vazi mogućnost povrata novčanih sredstava.

#### Član 25.b

##### “Povrat uplaćenih sredstava za školske ekskurzije”

Organizator aranžmana je dužan izvršiti povrat uplaćenih sredstava u roku od 60 dana od dana prestanka stanja nesreće, za sve uplaćene školske ekskurzije završnih razreda koji svoju ekskurziju ne mogu realizovati u ovoj školskoj godini zbog zavrsetka školovanja. Za sve ostale ekskurzije čiji učenici nastavljaju daljnje školovanje i imaju mogućnost realizovati ekskurziju u odloženom terminu primjenjuje se izdavanje vauchera iz člana 25a.

#### Član 4.

U članu 68. iza tačke 11. dodaju se nove tačke 12. i 13. koje glase:

12. „Ako ne izda vaucher na način propisan članom 25a. (član 25a.)“,

13. „Ako ne izvrši povrat uplaćenih sredstava iz člana 25b. (član 25b)“

#### **PRELAZNE I ZAVRŠNE ODREDBE**

Ovaj Zakon stupa na snagu narednog dana od dana objavljivanja u "Službenim novinama Federacije BiH".

## **OBRAZLOŽENJE**

### **ZAKONA O IZMJENAMA I DOPUNAMA ZAKONA O TURISTIČKOJ DJELATNOSTI**

#### **I – USTAVNA OSNOVA**

Ustavni osnov za donošenje izmjena i dopuna ovog zakona sadržana je u odredbi člana III.2 tačka g) Ustava Federacije Bosne i Hercegovine („Službene novine Federacije BiH”, broj: 1/94), prema kome Federalna vlast, kada se radi o zakonima i drugim propisima koji su obavezujući na području cijele Federacije Bosne i Hercegovine, ima pravo donositi zakone iz oblasti turizma. Dakle, imajući u vidu citiranu ustavnu odredbu, federalna vlast ima pravo donositi zakone i druge propise koji su obavezujući na području cijele Federacije.

#### **II – RAZLOZI ZA DONOŠENJE**

Vlada Federacije Bosne i Hercegovine je donijela Odluku o proglašenju stanja nesreće uzrokovano pojavom koronavirusa (COVID-19) na području Federacije Bosne i Hercegovine („Službene novine Federacije BiH”, broj: 21/20) i proglasila stanje nesreće. Ova izmjena i dopuna zakona je predložena kako bi se olakšao rad putničkih agencija i omogućilo da putnička agencija može odrediti da se za vršenje poslova voditelja poslovnice odredi osoba koja nema položen stručni ispit za voditelja poslovnice i dvije godine radnog staža na odgovarajućim poslovima u putničkoj agenciji ili drugim odgovarajućim poslovima u turizmu, a najduže šest mjeseci nakon prestanka posebnih okolnosti.

Nadalje, riješilo bi se pitanje vezano uz raskid ugovora za neizvršene ugovore o putovanju u paket aranžmanima koji su se trebali izvršiti nakon 01. marta 2020. godine, na način da putnik ima pravo na raskid ugovora o putovanju u paket aranžmanu nakon prestanka stanja nesreće, a organizatori za iste putnicima izdaju vaučer. Ukoliko se putnik odluči za povrat sredstava organizator treba izvršiti povrat uplaćenih sredstava u roku od 14 dana po isteku 365 dana od dana prestanka stanja nesreće.

Za organizovane, a nerealizovane školske ekskurzije ovim izmjenama i dopunama zakona se rješava pitanje povrata uplaćenih sredstava za školske ekskurzije gdje je organizator aranžmana dužan izvršiti povrat uplaćenih sredstava u roku od 30 dana od dana prestanka stanja nesreće, za sve uplaćene školske ekskurzije završnih razreda koji svoju ekskurziju ne mogu realizovati u ovoj školskoj godini zbog zavrsetka školovanja. Za sve ostale ekskurzije čiji učenici nastavljaju daljnje školovanje i imaju mogućnost realizovati ekskurziju u odloženom terminu primjenjuje se izdavanje vauchera iz člana 25a.

U dijelu kaznenih odredbi predviđene su prekršajne kazne ako se postupi suprotno odredbama člana 25a. i člana 25b. ovog Zakona.

### **III – USKLAĐENOST S PROPISIMA EUROPSKE UNIJE**

S obzirom da Zakon o turističkoj djelatnosti ("Službene novine Federacije BiH", br. 32/09) nije bio predmet usaglašavanja s direktivama Europske unije za ovu tematsku oblast jer je donesen 2009. godine, uređenje ove oblasti se definisalo kao stvar nacionalnog zakonodavstva, tako da ova pitanja nisu usaglašavana s propisima Europske unije.

### **IV. OBRAZLOŽENJE POJEDINIH ODREDBI**

**Članom 1.** definišu se posebne okolnosti koje se nisu mogle predvidjeti, a ugrožavaju život i zdravlje ljudi, imovinu, privrednu aktivnost i uzrokuju štetu po privredu.

**Članom 2.** definiše se da u uslovima posebnih okolnosti putnička agencija može odrediti osobu da vrši poslove voditelja poslovnice.

**Članom 3.** definiše se pravo na raskid ugovora i izdavanje vaučera za turističke paket aranžmane, avio/autobuske/brodske karte i hotelski smjestaj u uslovima proglašenog stanja nesreće i povrat uplaćenih sredstava za školske ekskurzije ili promjene termina za iste.

**Članom 4.** definišu se kaznene odredbe.

### **V– FINANSIJSKA SREDSTVA**

Za provođenje ovog zakona nije potrebno osigurati sredstva iz Budžeta Federacije Bosne i Hercegovine.

### III – USKLAĐENOST S PROPISIMA EUROPSKE UNIJE

S obzirom da Zakon o turističkoj djelatnosti ("Službene novine Federacije BiH", br. 32/09) nije bio predmet usaglašavanja s direktivama Europske unije za ovu tematsku oblast jer je donesen 2009. godine, uređenje ove oblasti se definisalo kao stvar nacionalnog zakonodavstva, tako da ova pitanja nisu usaglašavana s propisima Europske unije.

### IV. OBRAZLOŽENJE POJEDINIH ODREDBI

Članom 1. definišu se posebne okolnosti koje se nisu mogle predvidjeti, a ugrožavaju život i zdravlje ljudi, imovinu, privrednu aktivnost i uzrokuju štetu po privredu.


Članom 2. definiše se da u uslovima posebnih okolnosti putnička agencija može odrediti osobu da vrši poslove vođenja poslovnice.

Članom 3. definiše se pravo na raskid ugovora i izdavanje vaučera za turističke paket aranžmane, avio/autobuske/brodske karte i hotelski smjestaj u uslovima proglašenog stanja nesreće i povrat uplaćenih sredstava za školske ekskurzije ili promjene termina za iste.

Članom 4. definišu se kaznene odredbe.

### V – FINANSIJSKA SREDSTVA

Za provođenje ovog zakona nije potrebno osigurati sredstva iz Budžeta Federacije Bosne i Hercegovine.

A handwritten signature in black ink, consisting of a large, stylized initial 'F' followed by a series of loops and a final flourish.